

皇朝經世文續編

朝經世文續編卷三十四目錄

戶政十一 八旗生計

記武隆阿秀堃入旗生計疏及雙城堡屯田始末

旗戶分居議

請繕費移屯兼舒國用疏

請變通旗民交產章程疏

請量爲變通調濟宗支疏

援照成案擬請撥給旗員隨缺地畝片

請釐剔入旗積弊疏

請飭會同籌議疏

續陳安插移撥旗丁並請加兵額疏

錢鼎臣

李祖陶

沈桂芬

劉長佑

戈靖

銘安

英煦

文緒

文緒

皇朝經世文續編卷三十四

上海葛士濬子源輯

戶政十一 八旗生計

記武隆阿秀堃八旗生計疏及雙城堡屯田始末

孫鼎臣

我朝入旗以兵政寓民一屬甲月給銀三兩護軍四兩月米皆四斛於京城內外按旗分給房屋於近京五百里內圈給地畝衣租食稅恩至渥也雍正中每旗發帑十萬生息以爲婚娶之費乾隆四十四年戶部贖回八旗入官老圈地二萬七千餘頃責成直隸州縣徵租解部於年終普賞各兵一月錢糧嘉慶十年又節省巡捕營馬乾銀增養育兵額十一年復發帑銀七十萬交商生息再增兵額所以爲旗人謀生養者無微不至然歷年既久生齒繁而衣食絀列聖時以爲憂宣宗登極初元大學士伯麟奏調劑旗人生計詔入旗都統副都統詳議以聞於是喀什噶爾參贊大臣武隆阿幫辦大臣秀堃言直省綠營既有滿官亦不妨有滿兵請將各將軍督撫提鎮標綠營馬兵酌分十之五爲旗缺以駐防八旗馬甲養育兵就近送補無駐防者以附近之駐防兵往補三年補足其額差操錢糧卹賞與綠營兵同千總把總外委缺出較其優劣一體拔補其在各府州縣照商籍寄籍例編爲旗籍戶婚田土命盜諸務歸地方官管理生子隨時呈報督撫年終彙咨部旗旗籍子弟願補綠營守戰馬糧許一體考補并許應府縣文武試及鄉會試應繙繹試者由各省咨送入京其欲預赴各省候挑兵丁及自謀生理者呈明給咨赴州縣入籍駐防兵補綠營兵後分滿營兵缺以其二補本營駐防閒散旗人以其八調取在京閒散旗人往補由京旗都統按缺選派所以應補之缺截贖銀糧計數支給爲道里之費官給車船遞送其馬甲養育兵願赴駐防者許辭京缺前往聽補父撥補而子爲閒散者得

攜其子子撥補而其父辭缺隨往者亦聽兄弟叔姪亦如之京旗中願隨外任親戚或願赴各省謀生者皆呈明都統給咨齎赴所往之州縣入籍如此則京外旗人生計充矣疏入 上命八旗集議事格不行二公由是

獲譴當 昌陵之季年議開奉天吉林等處荒地移駐京旗於是富俊松筠迭為吉林將軍首尾經畫十餘年

雙城堡之屯始成他未遑及而二公繼沒矣先是乾隆閒御史舒赫德范咸戶部侍郎梁詩正請於盛京黑龍

江甯古塔沿邊開屯議者多以為不便至嘉慶十一年 諭曰京旗戶口日增生計拮据乾隆閒以入旗人衆

分撥拉林地方給田墾種迄今甚享其利今若將在京閒散陸續資送吉林以曠地撥給或自耕或召佃取租

足資養贍乃命松筠富俊與盛京將軍和瑛會勘議行會吉林將軍賽冲阿奏秋收不豐而止十九年富俊為

吉林將軍乃始奏於雙城堡設中左右三屯為移駐京旗之計雙城堡者吉林轄境也南北七十里東西百三

十里西南為拉林河北為松花江地勢平衍土沃泉甘其地俗以晌計一日可犁之地為一晌大晌十畝得糧

四五石多者七八石一石準倉石二石有半 四年十月 富俊奏 富俊奏挑派吉林奉天旗人三千戶為屯丁官給耕牛

農具籽種分中左右三屯為百二十屯每屯鑿井二每井給銀十八兩每戶給蓋窩棚銀四兩撥荒地九萬數

千晌每丁給地三十晌先開熟一十晌五年後徵糧二十石移駐京旗到日撥給熟地十五晌荒地五晌通二

十晌餘十晌荒熟各半給屯丁為恆產不徵其租 後道光三年松筠奏改為兩戶屯丁原分二地六十晌內照

丁每月留二 每屯屯丁三十戶京旗三十戶中左右三大屯議移駐京旗三千戶每歲移駐二百戶願移之戶

十月報部次年正月起程每戶戶部給治裝銀三十兩本旗津貼銀十五兩車馬皆官給到屯後戶給屋四間

皆官建自道光二年始移駐二十八戶三年移駐三十一戶四年移駐五十三戶五年移駐七十七戶時懇熟

之地已三萬三千一百餘晌 四年容照 書英奏 蓋富松兩公前後數任始終其事閱時最久故規畫倍詳一公歿而當

事者不能無懈京旗安土重遷往者益少其後協辦大學士英和猶以爲言以爲經始維艱宜推廣以竟成功而任事無其人矣方雙城堡之興屯也富俊欲推其法於伯都訥圍場以爲募民開墾可得地二萬餘晌較雙城堡事半功倍前後奏至六七上廷議以雙城堡屯務未竣且經費不足不能更及竟寢其事而松筠於道光三年任吉林將軍亦請開養什牧及大凌河馬廠皆嘉慶十七年故所勘地也良法美意雖未果施行而老成謀國之心條議區處之密與營平之在金城何異若夫成功則豈人之所能爲者哉

旗戶分居議

李祖陶

八旗 國家之爪牙也我 朝龍興東土虎視中原一時附風雲而依日月者有滿洲之入遊蒙古之入旗漢軍之入旗其人爲天之所生人所選之以爲疏附後先奔走禦侮之用類皆汗馬功高旗常績著以視漢祖之豐沛子弟光武之南陽宗親唐家之太原義從明代之徐鳳英賢有過之無不及順治元年 世祖章皇帝定鼎燕京酬庸賞功列五等之爵而不分三等之土圈環京五百里之地以居之以爲居重馭輕之勢亦較漢之徙郡國豪傑以實關中明祖之取江南富人以居鳳陽其義爲更有進但五百里之地雖盡膏腴而土則不能加闢入旗之人雖皆食祿而丁則逐代增添恭逢 神功聖德累世承平休養之餘漸生奢侈馴至雍正末年入旗生計漸蹙于是 聖天子疇咨於上諸臣建策於下類皆淵謀遠想爲十世百世之計而不在取濟於一時者所以爲之教也以予所知乾隆二年監察御史舒赫德卽有密陳愚慮之疏謂旗人之賴以爲生惟有房地別無他項房地不充雖百計以養之究非久遠之謀惟使不聚於一方庶可並得其利益伏思 盛京黑龍江甯古塔三處爲我 朝興隆之地土脈沃美聞其閒曠處甚多雖入旗滿洲不可散處他方而此根本之地似不妨遷移居住務使家有恆產人有恆心然後再教以儉樸返其初風則根本綏固久遠可計矣但須料理

于數年之前然後於入旗之願往者及生計極困者爲一一籌其起身安家等事則各欣然就道矣此一說也至乾隆六年戶部侍郎梁詩正復有軍國大用不敷敬陳變通之法疏謂臣蒙恩簡佐計部詳查每年經費所入不敷所出蓋以入旗兵餉浩繁故所出者每多各省綠營兵餉日增故所入者漸少設有額外費用卽不免左支右絀矣查入旗人除各省駐防與近京五百里聽其屯種外餘並隨旗居住羣聚京師無農工商賈之業類皆仰食於官我皇上其仁如天於正賦俸餉外添設佐領之額優給養育之糧而旗人猶窮苦自若以不使人自爲養而常欲以官養之也竊謂非屯田斷無以給今內地已無閒曠之田世宗憲皇帝欲於黑龍江甯古塔等處分別旗人住居耕種而未及行我皇上御極以來廷臣屢有以此言進者若慮其難行而不及時早爲之所數十百年之後旗戶必十倍於今以有數之錢糧贖無數之生齒使僅取給於額餉之內則兵弁之關支不足供閒散之坐食旗人之生計必日蹙欲添給於額餉之外則民賦之常制斷不可加而國用所必需又無可縮卽竭度支之力不足以供不將上下交困乎惟有酌派丁口散列邊屯使自食其耕牧之利而以時講武則旗人有生聚之資國帑亦無匱乏之慮矣此又一說也至乾隆十年山西道監察御史柴潮生復進籌理財之長策一曰開邊外之屯田以養閒散二曰給數年之俸餉以遺漢軍何也臣聞宋祖之有天下也舉中國之兵止十六萬迨英宗治平之間多至百二十萬國力爲之耗竭明之宗支不士不農仰給宗祿至中葉以後乃共籩而居分餅而食男四十不得娶女三十不得嫁何者力不足以給之也今滿洲蒙古漢軍各有入旗其丁口之蕃昌視順治時蓋一衍爲十而生計之艱難則視康熙之時已十不及五而且仰給於官而不已局于五百里之內而不使出則將來上之弊必如北宋之養兵下之弊必如有明之宗室此不可不籌變通者也臣竊以爲滿洲閒散及漢軍入旗皆宜設法安頓查沿邊一帶至奉天等處多水泉肥美之地請遣有幹

略之大臣前往經理果有可屯之處特發帑金爲之建堡墩立屋廬置耕牛農具令各旗滿洲除正身披甲在京當差外其家之次丁餘丁力能耕種者並前往居住所種之田卽爲本業分年扣還工本此外再不陞科惟令其農暇操練則數年之後卽成勁旅此安置滿洲閒散之法也至漢軍入旗已奉有聽其出旗之旨以定例太拘故出者寥寥今請不論其家之出仕與否皆得出旗其見任官者各給以三年之俸餉無官者給以六年之俸餉其家產許其攜帶任其自便則貧富皆不失所五年之後國帑之節省無窮此安頓漢軍入旗之法也此又一說也三說大同小異而柴說并籌及散遣漢軍尤爲膽識雙絕夫漢軍皆中土之人其初聞風景附著有勦勞蒙養一百餘年爾公爾侯報之厚矣積久蕃衍而生計日蹙則與其坐困無聊何若放之江湖任其浩浩蕩蕩之爲得也予觀魏叔子封建論後附及明制之失謂君子之澤五世而斬雖宗室亦應有限制開創天子之子爲王嫡子世世襲王爵庶子則每代遞降至五世之後爲庶人繼體天子之子爲公其降殺亦照此例五世之後並爲庶宗各執四民之業譜繫於國而免其徭其言曲有條理夫以天潢之親猶尙爲之區別不使盡食於官况滿軍閒散與漢軍之附麗者乎此誠救貧之長策不僅救國兼以救人也

誠如是也黃河改而北流順其故性不致年年告決歲可省宣防之費數百萬兩淮鹽直賣與商人私鹽盡化爲官鹽歲可增課數百萬漕糧隨地屯種官與民之困皆蘇而國家亦無治河建閘造船發軍諸費歲所省者必不止於數百萬旗戶分居自食其力大倉之米仍復充盈歲所省者亦不下數百萬合所省與所增約近二千萬去歲閱邸抄見阜中堂會計戶部進出之數經費歲入者四千四百萬出者三千八百萬萬使所入年年不乏所出年年不增自足支應但水旱天災堯湯不免入數豈能年年不減大兵大役承平時亦不免出數豈能年年不增是必有大道焉以生之省之使府庫長充倉廩長足則倉卒遇減遇增之時亦

綽綽乎可以支應而不致行瑣屑之政沿苟且之例爲他日史家之所譏矣

請籌費移屯兼舒國用疏

沈桂芬

竊維我朝定鼎燕都居重馭輕入旗禁旅悉入環衛每歲糜金錢數百萬兩以贍其身家計至深也無如二百餘年來戶口日繁縱使軍旅不興歲入如故隱銷坐耗上與下均岌岌有不可終日之勢歷朝謀國諸臣已逆知經費之難繼與旗人生計之日艱屢次條奏實已准行者如清查入官地畝分撥拉林地方移住雙城堡屯田外官准帶親族隨任所以調劑之者至矣而屯邊之法旋以安土重遷事寢不行近復准出外謀生而去者寥寥固由人情憚於跋涉亦以各旗兵丁之願去者欲貿易則無本欲耕種則無具欲遷徙則無資也臣官京師時親見旗民生齒繁庶不農不商除仰食錢糧外別無生生之策自圖法變更南漕不繼一丁所領之糧不敷供一丁之食其强者悍然爲非每陷刑網弱者坐以待斃轉於溝壑我皇上視民如傷四海之內一夫失所猶深軫恤矧以八旗世僕勳舊子孫近在輦轂忍令饑寒顛覆不爲之計乎從來以一人養天下恆苦其不足使天下自爲養常覺其有餘臣竊以爲今日安插旗人其上策在移屯邊方中策則聽往各省而已夫移屯於豐盈坐享之日人情孰不好逸而惡勞移屯於凍餒交迫之秋人情又莫不辭饑而就飽此今日移屯一議較之昔人事半功倍也臣論先言聽往各省之法卽就從前武隆阿英和諸臣所奏而推廣之無論馬甲養育兵閒散其願出外謀生赴各廳州縣者准其徑呈本旗都統前往照商籍軍籍例編爲旗籍戶婚田土命盜案件歸地方官管理生子隨時呈報督撫年終彙咨部旗綠守戰馬糧及各營將弁亦令一體考拔並許用旗籍應府州縣文武試及鄉會試欲應繙譯試者照各省駐防例凡降革休致官弁及舉貢生監與各省駐防願移者均聽之此移之內地人所樂從其資給概從其省也至若移屯邊防之法臣請欽派廉幹大員爲屯

田大臣隨帶司員查照舊檔於奉天吉林一帶及獨石口外紅城子開平等處與張家口外之興和新平等城昔年富俊孫家淦諸臣所勘定舊地歲計可開若干頃並建造房屋城堡添製農具牛種及軍裝器械酌定成規定中駐紮始終經理其事再由入旗都統剴切勸諭旗戶願移口外者照道光初移屯雙城堡舊例由戶部當堂發給治裝銀三十兩沿途官給車馬到屯後每戶官給房屋四間農具牛籽皆備三時務農之隙講武刑罰教養之事皆屯田大臣主之十年以後地畝照下則升科征收之糧糶運於口內而積銀於屯所每年卽以屯糧所糶爲次年京旗移屯與屯所各項之用無事再動庫帑此移之邊防事極艱難其資給不得不量從其優者也然議者必謂口北寒冷不宜粟麥饗殮無出流離遠徙易傷臣僕依戀之心不知昔年迭次移居雙城堡及拉林地方旗戶至今長養子孫稱爲樂土若非耕種何以自存至孫家淦勘地原奏亦將地方之寒暖穀種之所宜與日用之水火煤薪旗民之相安蒙古旗廠之無擾以及山場之可牧平原之可獵條分縷晰非徒託諸空言況人氣日聚地氣亦開天氣卽爲日暖旗人不過一遷徙之勞永可豐衣足食較之株守在京饑寒無策告貸無門相去遠矣臣所謂恤旗民者此也議者又必謂邊屯太多禁軍單薄恐非強幹弱枝之道不知聖朝開國之初人心甫定不得不藉資勦卒鎮輔京畿今則薄海黔黎皆歸天籙自軍興以來收復郡縣殄除渠魁大都綠營兵勇及蒙古與東三省兵力居多旗人生長京華習於參養偶有調遣未聞得力若令移屯口外練習風霜耕種牧營生資勞苦氣體必見充實再能督帥得人訓練有素無難上復國初驍健之風十數年後環邊之地東西開闢縣亘不斷北可震懾強鄰南亦以拱衛京邑設有征調緩急更爲可恃臣所謂足邊防者此也特以移屯貲費昔年猶以爲難今日帑藏空虛更安得此閒款臣嘗私心計之八旗現放兵餉除二成大錢外實放銀四成人丁噉噉朝不謀夕各省軍務告廢必應循例照入成舊章以裕兵食竊謂救八旗

一時之窮困其惠小貽入旗無窮之贍養其利長當未減之時而忽議減其勢逆而難行迨已減之後而量爲增其勢順而易節請於定復入成兵餉之年暫給六成酌留一成每年約可得銀一百餘萬兩治裝銀兩與房屋租具每戶以入十兩計之加以屯所修城堡製器械及一切費用每年至少亦可移數千餘戶俟屯田升科後移屯有資京旗兵餉仍復入成之舊如此則目前經費毋庸另籌日後正供永無不足臣所謂舒國用者此也昔臣佐理度支籌之至再而軍旅方亟未暇上陳今雖出爲疆吏不敢緘默自安所幸僭僞削平東南漸臻底定寰宇民生皆蒙休息似宜及時預籌本計勿責旦夕之效冀開樂利之源 國家億萬載之丕基可於是而益固矣

請變通旗民交產章程疏

直隸總督劉長佑

竊照同治二年四月准戶部咨議覆御史裘德俊奏請仍准旗民交產一摺抄奏內開咸豐二年會議令順天直隸等處悉准旗民交產照例稅契升科奏奉 諭旨准行嗣因弛禁後各州縣請報升科者甚屬寥寥而盜竄隱佔之案層見迭出雖有升科之名並無納賦之實復於咸豐九年奏請規復舊制仍禁民人典買旗地違奏在案茲據御史裘德俊以旗籍生計艱難請復旗民交產之例應請准如所奏順天直隸等處無論老園自置亦無論京旗屯居及何項民人俱准互相買賣照例稅契升科一切章程照案辦理庶旗民有無均可相通於入旗生計不無裨益等因奉 旨依議欽此咨行到臣當經飭司通行各屬遵辦在案嗣據調任布政使王榕吉呈稱據前任清苑縣知縣朱溥稟稱遵卽出示剴切曉諭並傳集鄉地予限查報如各村民人買賣旗產互相捏飾匿不稅契升科聞有屯目社書稟出某村某戶隱匿旗地數畝或數十畝若據稟紛紛傳質人數繁多不免擾累咸豐二年弛禁後查辦升科一無成效此次准令旗民交產奉文日久查辦仍無頭緒其藉端生

事之輩反得有所藉口而肆其指控案牘日繁見多糧租毫無實濟利未能興弊不堪舉與其任法而不能行曷若變通辦理使農田稅課兩有裨益悉心酌議不必責成鄉地人等按畝查造盡清地界冊籍凡有置買旗地無論遠年近年卽以同治三年爲期按村出示曉諭飭令民人自赴州縣呈明地段畝數有原契者檢同原契查核相符立時查照章程分別酌定應征錢糧數目卽自同治三年起征粘發旗產契尾給領收執毋庸等候覆勘再議科則以期迅速既不許差役下鄉藉端勒索亦不煩弓手人等赴地勘丈所征糧銀按季造報俟一律報完彙歸旗產奏銷冊內報部如其有意故違逾限延不呈報一經查出或被告發卽將地畝入官兼治以隱匿不報之罪如此酌量變通既與原奏章程並無窒礙且可速收實效至咸豐二年查辦案內間有已經報出地畝尙未議定科則旋即奉文停止此時若仍令按年補征未免向隅況九年以前民欠糧銀曾有奉諭明文此項事同一律應請卽以此次查辦爲始統自同治三年起征以紓民力等情由司具詳經臣咨部核覆旋准戶部咨覆此案章程酌量變通應由臣奏明辦理等因卽經飭據前署布政使李鶴年覆核詳請具奏前來臣查民人旣准置買旗地自應照例稅契升科未便任令隱匿延不首報該司等所議變通辦理法係爲稅契升科不致有名無實起見擬請准如所議分別辦理

請量爲變通調濟宗支疏

光緒五年

戈靖

竊維 恩由近以及遠法因時而制宜我 朝篤念懿親敦敘之典遠過往代 列聖相承有加無已咸豐年間復開道府之例近奉 恩諭軫念閑散宗室覺羅人等生計維艱 加賞兩月錢糧凡所以爲宗室謀者周且備矣惟是椒衍賤絲日益繁盛固係功德垂蔭之靈長而枝分派遠不免饑寒實深 祖宗在天之隱痛誠以閑散宗室錢糧則限以歲時仕進亦定爲專缺旣不如覺羅滿蒙漢道路甚寬並不如士農工商得以自謀

生理是豈 聖朝親睦之本志哉格於成例未有以變通之計爲 國家策久遠者 臣目睹情形難安緘默請於常例之外量爲調濟俾天潢支派均得仰露 實惠謹擬七條爲我 皇太后 皇上敬陳之

一宗室二兩錢糧宜請復舊章也向例宗室十歲卽給二兩錢糧所以養贍之並欲其及幼學之時使得就傅讀書耳自改爲十五歲始補二兩宗室子弟有力讀書者甚少此五年中經費所省有限蒙養伊始竟使不學將落良可惜已今請仍自十歲卽補二兩錢糧以資敦養

一宗室官學生宜請增入咸安宮國子監也查覺羅滿蒙漢子弟各有官學然復挑補咸安宮國子監官學所以教育而造就之者意至美法至良宗室子弟止有兩翼宗學同係宗族未足以相觀摩不出家塾未足以廣聞見竊謂有教無類請於兩翼宗學外照入旗章程增補咸安宮國子監宗室官學生以廣陶成

一宗室筆帖式宜請分補各部院學習也查宗室筆帖式惟有宗人府一途外衙門並無缺額但宗人府缺少人多補缺實形壅滯而各部院筆帖式之缺尙寬卽撥各處滿缺二三名作爲宗室專缺照宗室郎中員外郎主事之例似於滿缺不致有礙則宗室筆帖式補缺可疏通矣

一宗室舉人宜請酌補中書小京官也查旂民文學人會試三科後有揀發知縣及大挑之例宗室舉人非會試中式每多廢棄雖有選宗人府筆帖式一途而得選匪易同係舉人宗室則報効無由實爲可惜請將宗室舉人三科後酌選中書小京官以遂其向上之志

一宗室讀祝官贊禮郎宜請增補 陵缺也查例載宗室有京讀祝官贊禮郎各缺並無 陵缺今止有贊禮郎一缺近來文武兩途皆形阻滯致令有材能者於邑不伸轉生枝節何若將各 陵讀祝官贊禮郎旂缺改增宗室專缺似於旂缺不甚相妨並請仍添京缺讀祝官則宗室登進之途稍寬矣

一宗室武場鄉會試宜量爲取中也查宗室文闈鄉試每取中六七名會試每取一二名獨至武科卽有精於騎射技藝者不得與試未免向隅應請仿照文闈鄉會試例酌量取中數名以備千城腹心之選

一閑散宗室請準遊幕屯居也前山西巡撫今大學士沈桂芬條陳入旗准出外貿易及在外寄籍等因曾經議准在案今宗室生齒日衆食三兩者按現章支領每月不及二兩自養多不能足現在經費支絀兵餉難復舊章宗室何能議加與其使之坐困京師何如使之自求生計如有願遊幕屯居者准其由旗報府給以執照註明何方倘在外滋事卽准該地方官詳解宗人府嚴加管束如此則宗室不致困苦矣

援照成案擬請撥給旗員隨缺地畝片

光緒八年

吉林將軍銘安

吉林爲我朝根本重地協佐以下各官皆係滿蒙世僕或爲勳勞後裔襲職當差或會効力軍營同旗揀補溯自咸豐二年征調頻仍官弁兵丁効命疆場者十居七八生還故里者十僅二三其戶口之彫零室家之窮苦有不忍形諸奏牘者若以昕夕奔馳之苦復有衣食內顧之憂不惟政體有虧抑且廉隅難飭卽如協領應領俸銀一百三十兩扣成折放每年僅得寔銀六十五兩佐防以次遞減一切公私費用均在其中寔係入不敷出難免賠累奴才曾任盛京刑部侍郎時詢知奉天旗員兵丁均有隨缺地畝分防協佐尚有優缺足資養贍卽在省當差輪派河倉亦可均霑餘潤而吉省地處邊陲異常瘠苦旣無優異之缺亦乏調劑之差是以從前派令旗員等查丈荒地徵收錢糧及一切雜差無不掣累地方藉端需索追呼掊克習爲故常以致民怨沸騰累累控告光緒二年奴才奉命來吉查辦事件半由於此然原情而論出於貪婪者總少迫於窮困者實多自奴才抵任後凡有差委辦撥開款酌給川資不准藉差科派若蹈前轍立予嚴參近來旗員等尙知奉公守法較前已覺改觀但每月僅得俸銀數兩該員生長斯地各有室家一身之用度尙屬不敷數口之飢寒更

難兼顧困窮所迫難保不見利忘義故態復萌現在吉省添設民官劃疆分治廉俸辦公均已奏准開支而旗員等除俸銀外毫無別項津貼與民官進項大相懸殊以致辦公竭蹶未免向隅第當庫款支絀之時萬難籌給公費惟查嘉慶咸豐年間經前將軍富俊固慶等先後奏准雙城堡自總管以下官兵撥給隨缺地畝道光年間經前將軍倭什訥奏准伯都訥自副都統以下官兵撥給隨缺地畝其三姓地方奴才會同督辦甯古塔等處事宜太僕寺卿吳大澂於光緒六年十月間奏請自該副都統以下官兵撥給隨缺地畝業經仰蒙 聖鑒在案其餘省城各旗員均未奏請撥給同一當差苦累而隨缺地畝或有或無殊覺苦樂不均現在伊通等處奏明派員開放生荒上中之田人皆呈領下餘近山磽薄之地恐難保租一時難以招佃若將此項地畝撥作隨缺官田雖收成歉薄亦可略資辦公除各城副都統等前經奴才奏准蒙 恩賞給津貼足敷應用及伯都訥雙城堡三姓等處旗員已有隨缺地畝均毋庸議撥外所有吉林十旗烏拉伊通額穆赫索羅甯古塔琿春阿勒楚喀拉林五常堡等處旗員擬請援照雙城堡成案撥給協領隨缺地畝每員八十晌佐領每員五十晌防禦每員四十晌驍騎校每員三十晌筆帖式每員五十晌領催前鋒每名二十晌合無仰懇 天恩俯念吉省旗員辦公費絀准其一律撥給隨缺地畝以示體恤而資養贍之處出自 聖主逾格鴻慈如蒙俞允請俟各處放荒事竣查明未墾地畝共餘若干應如何分撥再當妥議章程奏明辦理至額設甲兵應領錢糧照章折放本屬無多而各項差徭向係攤派苦累情形尤屬可憫若一律請給荒地兵數太多恐不敷撥客俟荒地放竣再由奴才設法矜恤以舒兵困

請蠲別入旗積弊疏 光緒九年

大理寺卿 英 煦

竊維入旗之設二百餘年其始人心樸厚立法周詳該管大臣亦皆實心任事不容絲毫弊端所以乾隆嘉慶

之時入旗兵丁夙稱勁旅至今日而壞法亂紀其弊不可勝言謹就奴才見聞所及臚列四條爲我 皇太后
皇上陳之

一混入旗籍宜清查也入旗年終編立戶口冊檔以杜虛開人口冒食錢糧之弊尙未慮及有民人混入者
茲則入旗兵丁半屬民人充數詢以姓氏而不知卽以清語而不曉推原其故皆由各旗民役編立戶口冊檔
將其子弟漸漸混入捏稱某孀婦之子或某孀婦之孫其後遂報捐報考儼然以入旗世僕自居聞有其父尙
爲某民役其子卽爲某旗官兵若不澈底清查勢必至無業游民冒充功勳之後將來或受 恩封或襲官爵
流弊伊於胡底擬請該管大臣認真清查並責成入旗族長按月呈報有無混入情事倘所報不實官則嚴參
兵則重懲並將混入之人咨部治罪庶旗籍自清矣

一侵扣俸餉宜稽核也自庫款支絀俸餉減成官員兵丁已形拮据而俸餉房承辦人等又復假庫虧以爲名
層層剝削甚至俸銀一分短少數兩餉銀一分短少數錢卽有一二整頓旗務大臣逢支領俸餉之日進署回
平而承辦人等詭譎多端預行按應領數目實足平每另備一分以爲回平地步迨至官員兵丁支領入手仍
是虧短甚多該管大臣亦無從知其底蘊入旗官員兵丁幾何而不困苦耶擬請該管大臣認真稽核遇有本
旗支領餉俸之日親身進署抽查並令參佐領等官監放倘有前項弊端卽行參辦則俸餉自然實領實發矣
一頂替挑缺宜懲辦也入旗挑補兵缺向章領催以識字爲上馬甲以中箭爲優非逾十六歲均不得入選乃
近來應挑人等多因年歲不符以及文理不明弓馬不熟之故遂覓他人頂替一經補缺卽將應領庫銀作爲
酬謝之費參佐領等亦扶同隱匿瞻徇私情若不從嚴懲辦恐相沿已久入旗兵丁無一成材豈不虛糜帑餉
乎擬請該管大臣每遇挑補兵缺令參佐領出具並無頂替印結先行呈遞仍親身向本兵盤詰倘年歲三代

與牌冊不符即將頂替人等咨部治罪參佐領等官指名嚴參庶兵皆適用餉不虛糜矣

一私賣甲米宜禁止也八旗兵丁按季支領甲米原爲養家口計乃近日赴倉參領等官先向該倉花戶串通舞弊任令攙雜土塊不堪食用米局商人亦得高下其手互相爭買致使領米石各兵甘心售賣無可如何參領花戶等遂從中漁利彼此均分俗呼之謂成事夫成事之弊入旗皆然右翼尤甚若不嚴行禁止恐朝廷養兵丁之意轉屬有名無實擬請該管大臣親身赴倉督飭參領等向該倉支領潔淨之米分放各兵毋任私自變價倘有攙雜土塊不堪食用等情即將該倉花戶赴倉參領等從嚴參辦似於兵食不爲無益矣以上四條皆入旗積久之弊奴才平日確有見聞可否請 旨飭下都統認真釐剔妥議具奏

請 飭會同籌議疏

黑龍江將軍文 緒

竊京城入旗人丁生齒日繁家計日窘諸臣屢有條奏曾經前任將軍特普欽於招民開墾之初在所屬滾河北呼蘭河南留勘平坦荒場一段約可酌撥京旗人丁三百戶嗣因附近居民漸有侵佔復經調任綏遠城將軍豐紳奏請由該處旗營有力兵丁內先撥三百戶代墾建房置具爲數不資擬請俟地成熟京旗丁到再請領款安插每戶撥地五十晌以三十五晌限七年後開齊交京旗管業倘時不到卽令各該代墾之戶升科以三十五晌歸代墾地戶管業至五年後以二十晌照章每晌交納官租錢六百六十文其餘十五晌作爲代墾之戶已產於光緒四年派員按照留園內分安二十五屯編爲廂白廂紅正藍鑲藍四旗每旗安設五屯每屯撥駐京旗十五戶代墾十五戶所有京旗與代墾旗丁共六百戶均歸北團林子委協管束等因奏明在案今前項留撥京旗人丁之地經代墾之戶已經開齊明年卽到交領年限其代墾之戶地畝本年已屆升科之期自應先期奏明核辦查原議從減每戶蓋房穿井置備牛具銀二百五十兩有零以三百戶計之當需六萬一